

Go sepela phakeng

Mongwadi ke Hagen Engler | Diswantšho ka Tamsin Hinrichsen

Liso o rata go diriša inthanete. Weposaete ya gagwe ya mmamoratwa e na le dilo ka moka tša go mo thabiša. O ithuta mehuta ya metanso ka moka. O ithuta dinnete ka ga tlhago. O dira segwera lefaseng ka bophara.

“Are ye go sepela kua phakeng,” a realo Tate, a lebeletše lepothopo ya gagwe.

“Nka upše ke be inthaneteng,” a realo Liso.

“Nka bapala, nka ithuta, nka itšhidulla,” a realo.

“Ke ka lebaka la eng ke swanetše go ya go gongwe?”

“Ee,” a realo Tate. “Go na le dilo tša maleatlana kua lefaseng la nnete...”





Mo inthaneteng, Liso o kopane
le mogwera wa gagwe Jamila.

“O be o dira eng?” gwa
botšiša Jamila.

“Ga go tše dintši,” a realo Liso.
“Ke be ke le mo inthaneteng.”

“Ke gabotse,” a realo Jamila. “Re ile ra ya go sepela
phakeng. Re bone dinonyana tša mehutahuta. Re
bone le nonyana ya mologi e aga sehloga kua letsheng!”

“Eya!” a realo Liso. “Seo se kwagala se kgahliša.”

“Go bile bjalo,” a realo Jamila. “Tate o re nonyana
ya tona e be e aga sehloga, gomme ya tshadi e
be e se hlahloba. Ga ke nagane gore e be e se rata,
e hlahlamotše sehloga sela!”

Ka morago, Liso o ile a bolela le mogwera wa
gagwe Thalia.

“A re bine,” a realo Liso.

“Mphe nako ye nnyane,” a realo Thalia.

“Ke lapišitšwe ke go kitima.”

“O kitima?” gwa botšiša Liso.

“O be o kitima kae?”

“Re kitimile ka sethokgweng
se sebotse,” a realo Thalia.

“Re bone phuti, kgabo ya bebete,



le kgokgoropo, ya molomo wa
mmala wa namune o mobotse
le mosela o motelele!”

“Eya,” a realo Liso. “Seo se
a thabiša!”

“Go bile bjalo,” a realo Thalia.

“Mma o rile ke nonyana ya tona.

E be e tliša dijo sehlageng.”

Thalia o be a lapile a ka se kgone go bina, gomme
Liso o ile a romela molaetša go mogwera wa gagwe Ina.

“A re bapale phaka ya boithabišo
ya mo inthaneteng,” a realo Liso.

“Nkase kgone,” gwa fetola Ina.


“Ke ya phakeng le batswadi ba
ka. Lefaseng la nnete!”

“Go lokile,” a realo Liso. “Ke
tla bolela le wena ka morago.”

Liso o ile a nagana kudu
sebaka se setelele. O ile
a bitša.

“Tate!” a goeletša. “Areye
go sepela kua phakeng!”

Tate o ile a tswalela
lepothopo ya gagwe.





Kua phakeng, Liso le Tatagwe ba bone nonyana ya go taga ye talalerata ya go ba le tlopo ye telele, ye talamorogo.

“Aa,” a realo Liso. “Ke ipotšiša gore ke nonyana ya mohuta mang!”

“Ke nagana gore ke mokowe wa Knysna,” a realo Tate.

“A re leke go e latela.”

Nonyana e fofetše bogodimo bja mohlare go ya go bogodimo bja o mongwe. Nonyana e ile ya ikhutša lekaleng la mohlare. Nonyana e fofetše godimo ga saekhate. Liso le Tatagwe ba e lateletše, ba e kitimiša.

“Liso, nkane o sa re dumela,” a realo Tate. “Mo gongwe ke kgokgoropo ya maleatlana?”

Liso o ile a hlwekiša mogolo wa gagwe...

“Dumela,” gwa kwagala lentšu. “O dira eng fao?”

Liso le Tate ba tomola mahlo...

Kgauswi le bona, mo gare ga phaka, e be le Jamila, Thalia le Ina, le batswadi ba bona!

“Ke yeo gape kgokgoropo,” Liso a goeletša.

“A re e lateleng!”

“Dinonyana tše di re tlošitše disekrining tša rena, ka ntle ga dintlo, gomme tša re kopanya mo tlhagong,” a realo Tatago Liso. “Le kgale ke dinonyana tša maleatlana.”

Go sepela phakeng

Mongwadi ke Hagen Engler • Diswantšho ka Tamsin Hinrichsen

Mehopolo eo le ka buang ka yona

Ke eng se o se dirago go ithabiša?

O boledišana ka tsela efe le bagwera ba gago?

Naa inthanete ke eng?



Go bona

Ke lefelo lefe la ka ntle leo o le ratago kudu? Thala seswantšho sa gago moo.



Go bala

Eba letseka la kanegelo!

- ★ Ke mehuta ye mekae ya dinonyana tša go fapafapana yeo go boletšwego ka yona ka kanegelong?
- ★ Naa o ka kgona go hwetša maina a diphoofolo tša lešoka tše pedi?
- ★ Ngwala lefoko leo le go botšago gore Liso o fetotše mogopolo wa gagwe wa go nyaka go ya phakeng?
- ★ Ke ditsela dife tša go fapafapana tšeo Liso a nago le tšona tša go boledišana le bagwera ba gagwe?




Go ngwala

Ngwala molaetša wa sengwalwa woo Liso a ka bago a o ngwaletše mogwera yo mongwe ge a fihla gae go tšwa phakeng.



Go dira dilo

Šomiša mahlokwana, bjang le mahlare go aga sehloga sa nonyana ya gago.



Go bapala terama

Swara leeto la mogopolo go ya phakeng: tsatsampela go bona seo se lego ntlhoreng ya mehlare, inamela fase go lebelela dimela le diphoofolo tše di lego kgauswi le lebato le go latela nonyana ye e fofago ntlhoreng ya mohlare go ya ntlhoreng ye nngwe ya mohlare.

